

## **Ptače stawiznički – módrawka**

Nadźijam so, zo su lětsa tež we wašej zahrodze módrawki w kukawje abo w džěrje stareho štoma hnězdźili. Wone su stajnje po puću a njemóža změrom sedžeć. Za picu pytajo čumpaja so kaž akrobaća na céńkich hałužkach. A picy trjeba tajka jenož 9 do 12 gramow wažaca módra sykorka wjele, mjenujcy wšědnje 3 gramy šmicow, wačkow abo husańcow.

Hdyž čaka w kukawje dźesać abo hišće wjace hlódnych pyskow, je nětko jasne, čehodla sykorice mać a nan wot schadźenja slónca hač do ćmičkanja po štomach a kerkach šuskatej. Tuž njezadžiwa, zo tajka picowaca módrawka bórže tróšku rozcybana wupada.

Ličba módrawkow je pola nas w zaštych lětach woteběrała. Hłowna přičina drje je, zo njenamakaja hižo dosć picy, wosebje husańcow, za swoje młodźata. Tohodla su stare sadowe zahrody za módrawki jara wažne. Wone móčne swarja, hdyž je při picowanju wobkedźbujemy. Njedadža so pak mylić, wšak so ta jedna na nas huntori a ta tamna spěšnje ke kukawje leći.